

1539.

dere tenentur, ut imitatores ipsorum fiant; Paulus scribit I. Cor. XI. 1. Imitatores mei estote, sicut & ego Christi. Et hoc est, quod Paulus & scribit Timotheo I. Epist. IV. 12. Exemplum esto fideliū in verbo, in conversatione, in charitate, in fide, & castitate: & ad Titum hæc urget c. II. 7. In omnibus probe te ipsum exemplum bonoruū operum in doctrina, in integritate, in gravitate, Conf. Philipp. III. 17. II. Thessal. III. 9. Sicut enim alias dicitur: quales Reges, tales cives, quales imperantes tales Parentes; ita quales Pastores, tales greges, quales Doctores, tales Auditores. Et hac ratione, non quidem ex merito, sed ex Dei promisso, non ex iustitia, sed ex gratia datur hic corona gloria peculiaris Apparatus.

15. Hic fuit Materialis, & certo respectu personalis apparatus: nunc Petrus progreditur, & propriam Apparatum persequitur, nimirum Apparatum formalem, vel causalem, qui consistit in Adventu Principis pastoris, nimirum Iesu Christi, de quo pariter adventu plurima notari, vel explicari possent: sed breviores modo lineæ ducendæ, qua de causa nihil de Natura, vel causis hujus adventus, ex Apostolicis verbis eruere, sed tantummodo certas quasdam proprietates in textu monstratas, observabimus, & paucis explicabimus.

16. Ratione temporis proprietas allegatur, quod sit *adventus* (1.) non *preteritus*: Messias equidem saepius tum in Paradiſo protoplastis, tum in forma visibili Patriarchis, & aliis piis, tam foemellis, quam masculis, in V. T. præsentiam suam exhibuerat: in plenitudine temporis etiam primum solenne adventum in carnem celebraverat, tum per humanam conceptionem Lur. I. 31. seqq. Tum per nativitatem cap. II. 6. tum per baptismi susceptionem, Matth. III. 13. tum per verbi prædicationem Luc. IV. 16. tum per regalis adventus celebrationem, Matth. XXI. 1. seqq. sed hic omnis adventus verè præteritus erat: Petrus vero non loquitur in præterito, sed in futuro. (2) neque præsens, sicut Apostolis in visibiliter ubique locorum suam præsentiam, & mysticum adventum exhibebat, juxta certissimum promissum Matth. XXIX. 20. Ego sum vobiscum ad seculi consummationem usque. sicut. etiam juxta Marc. XVI. 20. ubique fuit ipsis cooperatus, quod itidem Petro contigit: immo non tantum Apostolis, sed etiam omnibus ipsis auditibus